



Timor-Leste: Governu foun tenke kumpri ninia responsabilidade hanesan autoridade responsavel hodi promove no proteze direitu umanus iha nasaun ne'e

(Jakarta/Dili/Bangkok, 28 Maiu 2018) - The Asian Forum for Human Rights and Development (FORUM-ASIA), hamutuk ho ninia membru lokál sira JSMP (Judicial System Monitoring Program) no Asosisaun HAK apela ba Aliansa Mudansa ba Progresu, ne'ebé antes ne'e koñese ho naran Aliansa Maioria Parlamentár ka AMP, hanesan partidu vensendor iha eleisaun ne'ebé hala'o ona iha fulan Maiu 2018, atu kumpri sira ninia promesa hodi promove no proteze direitu umanus iha nasaun ne'e.

Depoizde esperiensiã empase politiku ne'ebé lori ba disolusaun Parlamentu Nasional iha inisiu 2018,^[1] Timor-Leste agora dadaun iha nia Governu foun. Hanesan proklama ona hosi Tribunál Supemu Justisa ohin, iha loron 28 Maiu 2018, Aliansa Mudansa ba Progresu, koaligasaun hosi Partidu CNRT, PLP no Kmanek Haburas Unidade Nasional Timor Oan (KHUNTO), mak manan eleisaun nasional iha 12 Maiu 2018 ho pursentu 49.6 hosi votu nivel nasional, ne'ebé halo sira hetan kadeira/asenti 34 hosi asentu 65 iha Parlamentu Nasional. Koaligasuan hakat liu tiha pozisaun partidu Fretilin (Frente Revolucionaria de Timor-Leste) ne'ebé hanesan vensendor iha eleisaun nasional iha tinan 2017 ho pursentu 34.2 hosi total votus. So iha deit insidente kiik entre apoiante sira ne'ebé relata durante periodu kampaña eleisaun no eleisaun ne'e hala'o iha ambiente ida dame nia laran.

Enkuantu selebra hela manifestasaun lian povu nian iha Timor-Leste, ami hakarak fó hanoin governu foun kona-ba ami ninia preukupasaun sira relasiona ho situasaun inaseitável direitu umanus iha nasaun ne'e. Peskiza kona-ba impaktu hosi eleisaun foun iha Timor-Leste ne'ebé halao hosi FORUM-ASIA iha inisiu fulan-Maiu revela tendéncia kona-ba haklot espadu síviku, redusaun ba direitu politiku no hafraku sistema justisa formal iha nasaun ne'e. Hanesan rezultadu hosi empase politiku iha tinan 2017, ameasa ba jornalista sira no defensor direitu umanus sira, hanesan sira ne'ebé defende direitu ba rai, direitu comunidade sira hanesan Lesbian, Gay, Bisexual, Transgender, no Intersex (LGBTI), feto no labarik seidauk hetan atensaun. Nune'e mós la iha progresu ne'ebé halo atu fó atensaun ba violasauns direitu umanus sira iha pasadu, hanesna kazu sira ne'ebé envolve membru milisia sira ne'ebé pendente iha tribunal no ema lakon sira ne'ebé

¹ <https://www.forum-asia.org/?p=26261>

akontese durante funu laran.^{[2][3]}

Reflete ba situasaun ne'e, ami enkoraza governu foun atu restora estadu-de-direitu no demokrasia iha nasaun ne'e nomós tau esforsu sériu ba promove no proteze direit umanus povu nian.

Ami apela ba Governu eleitu foun atu prioritize liberdade fundamental sira hanesan espasu síviku, no direitu umanus iha nasuan ne'e. Ami ejize ba Governu atu fó atensaun ba problema sira ne'ebé grupu vulneravel sira enfrenta, hanesan feto, labrik, comunidade LGBTI, no hatudu komitmentu atu rezolve violasaun direitu umanus pasadu sira ne'ebé sedauk rezolve to'o ohin lora. Governu mós prezisa implementa rekomendasaun Revizaun Universal Periodiku 2016, no integra rekomendasaun sira ne'e iha Governu ninia planu dezvoltamentu nasional, hanesan rekomendasaun sira ne'ebé iha ligasaun no kiak no promosaun ba igualdade jéneru.

Ikusliu, we enfaze importansia atu respeita desizaun ba votu ne'ebé povu Timor-Leste. Partidu hotu-hotu tenke hases tiha sira ninia agenda politiku, no hamutuk atu lori fila no mantein estabilidade iha nasaun ne'e. Iha relasaun ho ida-ne'e, ami enkoraza Governu foun atu estabelese ambiente ida-ne'ebé permite autor hotu-hotu, inklui organizasaun sosiedade sivil atu hola parte iha formulasaun politika no prosesu foti desizaun sira.

Ba informasaun liutan, favor kontaktu:

- East Asia and ASEAN Programme, FORUM-ASIA, ea-asean@forum-asia.org
- Judicial System Monitoring Program, JSMP luís@jsmp.tl
- Human Rights and Justice, HAK manuel.maklerok@gmail.com

² FORUM-ASIA, 2018. Relatoriu Misaun – Impaktu hosi Eleisaun Foun ba Sosiedade Sivil iha Timor-Leste (Mission Report – The Impact of New Round of Elections To Civil Society in Timor-Leste) <https://www.forum-asia.org/?p=26321>

³ Regulamentu UNTAET, Nú. 2000/15 kona-ba Estabelesementu Painel ho Jurisdisaun Eskluzivu ba krime grave sira, Art.5. Kazu pendente sira inklui Kazu Nú. 273/C.Ord/2011/TDD (Kontra membru *milisia Hametin Integrasaun*, Aileu no kazu rua seluk kontra *milisia Besi Merah Putih*: No. 282/C.Ord/2012/TDD2 and No.707/C.Ord/2012/TDD (UNTAET Regulation 2000/15 on the Establishment of Panels with exclusive jurisdiction over serious criminal offences, Article 5. The pending cases include Case No. 273/C.Ord/2011/TDD (against members of Aileu Hametin Integrasaun militia, and two cases against members of Besi Merah Putih militia: No. 282/C.Ord/2012/TDD2 and No.707/C.Ord/2012/TDD).